

## GALERIJA KRUNOMIR

*Preпустите se čarobnom svijetu, surfajte umjetnost!*

<http://www.science.uwaterloo.ca/~kdvorski/>

Email: [krunomir@rogers.com](mailto:krunomir@rogers.com)

### BUTMIR – BOSANSKI BOG SUNCA

Krunomir Dvorski



*Fragmenti Butmirske keramike kao idejna skica za portret Bosanskog Boga Sunca, Butmira*

Ime rada: Butmir – Bosanski Bog Sunca

Autor: Krunomir Dvorski

Godina: 2012.

Opis: Portret Bosanskog Boga Sunca

Tehnika: Crtež u olovci

Dimenzije: 216 × 279 mm

### Kako je nastao ovaj portret

Semir Osmanagić bosanskohercegovački povjesničar, istraživač i arheolog tvrdi da se nedaleko od bosanskoga grada Visokog nalazi više piramida izgrađenih u drevnoj prošlosti. Najveća piramida (Piramida Sunca) je brdo Visočica, druga piramida (Piramida Mjeseca) je brdo Plješevica a treća piramida (Piramida Bosanskog Zmaja) čini "Zagonetni trokut" sa spomenute prve dvije piramide.

Zanimljivo je da se izgradnja skoro svih piramida u svijetu povezuje sa tamošnjim Bogovima Sunca. Naravno, mašta mi je proradila pa sam nacrtao Bosanskog Boga Sunca, Butmira. Ime Butmir je posuđeno iz istoimene neolitske iskopine Butmir koja se nalazi tridesetak kilometara jugo-istočno od Visokog.

## Pjesnik Enver Kadrić: But za mir

Kao i svakog tako i tog dana robovi se izvlače iz svojih ljuštura i gegaju prema poljani sa omrzlim nepravilno naslaganim kamenim gromadama. Pojedine gromade bile su poprskane krvlju onih koji mrze sebe, što su rođeni samo zato da bi kao broj bili brojani i upisani u zbir vrijednosti piramide. Rastuća ljepotica, namazana prekrasnim spojem šljunka i vezivne materije, svojim strminama kao opomenom i visinom kao moć prijeti budućim vremenima i prkosi osvajačima. Ona se klanja svom suncu i čuva tajnu o ljudskom biću koje je ostavljeno kao sjeme da niče i bori se za opstanak.

Tog dana prosula se krv iz posjekotina. Robovi su padali kao lijesa. Miris krvi širio se unaokolo. Iz jauka u jauk izvukao se jedan glas kao zmija iz procijepa. Nadjačao je zvuk gvožđa i jecaj roda i uvukao se u uši kao dijete u dušu roditelja. U pola presječen krvario je junakov but. Uz sve boli svojim krikom zaustavio je sječiva i izgovorio:

"Dajem! Dajem BUT za MIR tvoj i moj!"

Otkopasmo piramidu, pročitasmoo znake... BUTMIR !!!

## Galerija Krunomir

U galeriji su predstavljeni radovi i životni put Krunomira Dvorskog. Krunomir je u kulturnoj javnosti poznat kao umjetnik iz hobija. Galerija je za njega aktivni kutak u kome se opušta i stvara.

Prepustite se čarobnom svijetu, surfajte umjetnost!